

衡山縣志卷四十六

故宮志

虞書五月南巡狩至于南嶽如岱禮當時跼蹕之所應有行宮不然其何以覲南方諸侯受五玉三帛之執而修禮如器耶舊志舜南巡跼蹕安上峰今峰上舜廟疑卽當日行宮廟前有洞曰舜洞有溪曰舜溪平田中舊有大樟樹石壁上鏤二大字曰舜樟其遺蹟皆班班可考如是是知峰之所以名安上者謂舜嘗居此故耳夏禹亦屢至衡山血

衡山縣志

卷之四十六 故宮

一

馬祭天發書宛委在初治水時勒石紀績立諸岫嶠是旣平水土後事至於登紫巾臺望九疑祭舜則身爲天子矣仍有虞五載一巡之制覲爰服羣后於赤嶽應亦自有跼蹕處但禹卑宮室務不煩民其行宮或第仍舜之舊而已不必另有創建也周十二年一巡守有明堂在泰山下爲天子東巡東諸侯朝見之處明堂亦行宮也東嶽旣已有之南嶽豈容獨無漢武封泰山而禪梁父謂南嶽隔遠遣使於潛霍祭之自是以後帝王之至衡者盖

鮮宋徽宗曾幸南嶽題方廣曰天下名山題黑沙潭曰海南龍湫皆是親履其地而題之者疑當年跼蹕非止一處其故宮概不可考

本朝康熙四十九年

勅建行宮於南嶽後復奉

旨改行宮爲祝

聖寺頒藏經今寺宇規制恢宏非尋常菴觀所可擬也

又後周廣順元年馬希萼自立爲衡山王以縣治爲行府

## 衡山縣志

卷之四十六 故宮

二

按故衡山縣治在今縣治東北隋大業六年徙白馬峰下唐神龍三年仍還故處後因水患又徙治白茅鎮馬希萼以縣治爲行府蓋亦在白茅鎮卽今之縣治也又明封興宗子允燧爲衡山王未就藩後復封簡王子貴斌爲衡山王其故宮應卽在今縣治明末屢經兵燹遺宇無復存矣